

**SESION EXTRAORDINARIA E URXENTE CELEBRADA POLO PLENO DO**  
**CONCELLO O DIA 26 / ABRIL / 1.996**

**S U M A R I O**

- 1.- BASES CONTRATACION LABORAL 16 AXENTES DE PADROAMEN-  
TO E 3 ENCARGADOS DE GRUPO PARA A REALIZACION TRA-  
BALLOS PADRON MUNICIPAL 1996.

Na Sala de Sesións do Concello de Redondela, ás catorce horas do día 26 de Abril de mil novecentos noventa e seis baixo a Presidencia do Ilmo. Sr. Alcalde, D. XAIME REI BARREIRO, e a asistencia dos Sres/as Concelleiros/as: D. MANUEL ALONSO LEMOS, Da. MARIA DEL CARMEN BASTOS RODRIGUEZ, D. JOSE BLANCO PUGA, Da. FRANCISCA CANAL GOMEZ, D. JAIME DARRIBA VILAS, D. GUMERSINDO FERNANDEZ MENDEZ, D. EMILIO GONZALEZ IGLESIAS, D. XOSE LUIS GRANDE GRANDE, D. MANUEL IGLESIAS CARRERA, D. LUIS ALBERTO MIGUEZ DOCAMPO, D. LUIS ALBERTO ORGE MIGUEZ, D. XOSE CARLOS PAZOS DOCAMPO, Da. CECILIA PEREZ ORGE, D. MANUEL PIÑEIRO COSTAS, D. LUIS RODRIGUEZ VILARCHAN, D. JOSE MANUEL SOTO VIRULEGIO, D. JAIME TORNERO LOPEZ, e Da. JOSEFA VILLAVARDE RODRIGUEZ, actuando como Secretario que certifica, D. LUIS TORRADO VAZQUEZ, se constitúe o Pleno do Ilmo. Concello en sesión extraordinaria e urxente correspondente ó día da data, conforme á convocatoria e de acordo coa Orde do Día remesada a tódolos Sres/as Concelleiros/as coa antelación legalmente requerida. Excusaron a súa asistencia os Sres. Concelleiros D. AMADO RICON VIRULEGIO e D. FRANCISCO PUCH CASAL.

A Presidencia declara aberta a sesión en primeira convocatoria, procedéndose a trata-lo punto da Orde do Día.

-----

Serie A N.º 0361067

**1.- BASES CONTRATACION LABORAL 16 AXENTES DE  
PADROAMENTO E 3 ENCARGADOS DE GRUPO PARA REALIZACION  
TRABALLOS PADRON MUNICIPAL 1.996.**

Pola presidencia faise saber a tódolos Sres/as Concelleiros/as asistentes a esta sesión que é preciso que previamente se declare por este Pleno a urxencia do presente asunto que figura na correspondente orde do día.

Concedida a palabra pola Presidencia ó Concelleiro Sr. Grande Grande, acerca desta convocatoria urxente do Pleno pide explicacións de porque non se convocou o Pleno Ordinario e non se levou ó mesmo este asunto.

Polo Sr. Presidente sinálase que razons urxentes de prazos obrigaron a esta convocatoria e que non se pretende hurtar a celebración dun Pleno ordinario.

Concedida a palabra pola Presidencia ó Concelleiro Sr. Alonso Lemos por este maniféstase que xa se sabía que había que tratar este asunto, e alude a tal efecto as manifestacións da prensa, poidendo haberse tratado con anterioridade, e pide que se fagan as cousas con mais orden.

Polo Sr. Presidente se lle rebate que as cousas fanse con orden.

Concedida a palabra pola Presidencia ó Concelleiro Sr. Piñeiro Costas por este maniféstase que non constan os informes do Sr. Secretario e Interventor que se pediran, referentes a este asunto, e que houbo modificacións nas bases que non se recollen nas mesmas.

Este Concello Pleno por unanimidade dos Sres/as. Concelleiros/as asistentes acorda declarar este asunto urxente pasándose a tratar a continuación o mesmo.

Pola Presidencia dase conta a este Concello Pleno de dictame favorable a estas bases, emitido en data 12 de abril de 1996. pola Comisión Informativa correspondente.

Concedida a palabra pola Presidencia ó Concelleiro Sr. Tornero López por este maniféstase que non houbo modificacións destas base en Comisión e que nas mesmas non se pediu informe do Sr. Secretario, e que o Sr. Soto Virulegio só pediu a conformidade do Sr. Interventor referente a estas bases.

Concedida a palabra pola Presidencia o Concelleiro Sr. Soto Virulegio por este maniféstase que si se fixeron matizacións ás citadas bases na correspondente Comisión Informativa referentes a que a idade máxima que figura no criterio de selección relativo á condición de veciño de Redondela se fixe en 64 anos, así como si había consignación ou non no Orzamento deste Concello correspondente ás bases en cuestión.

Concedida a palabra pola Presidencia ó Concelleiro Sr. Grande Grande por este sinálase que nos criterios de selección das citadas bases no punto "B" a puntuación sexa de 9 puntos e no apartado "C" os puntos máximos para os axentes de padroamento e o encargado de grupo se fixen en 4 puntos para cada un deles.

Pola Presidencia e co as modificacións anteriormente sinaladas sométese á aprobación do Pleno as bases para contratación laboral de 16 axentes de padroamento e 3 encargados de grupo para realización de traballos padrón municipal 1.996.

Este Concello Pleno por unanimidade de tódolos Sres/as. Concelleiros/as asistentes acorda presta-la súa aprobación ás Bases anteriormente citadas coas modificacións introducidas neste Pleno ás mesmas.

E, non habendo máis asuntos que tratar, pola Presidencia levantouse a sesión, sendo as catorce horas e trinta minutos da data fixada no encabezamento, en proba de todo o que, se estende a presente Acta, que se inscribiu no Libro dende a volta do folio 064 do Papel Timbrado da Comunidade Autónoma de Galicia Serie A Nº 0361066 ata a volta do folio 065, Serie A Nº 0361067, de todo o que, como Secretario, DOU FE.-

O ALCALDE

O SECRETARIO

XAIME REI BARREIRO

LUIS TORRADO VAZQUEZ